

Disposición derogatoria única. *Derrogación normativa.*

Queda derogado o segundo parágrafo do número 4.1 do anexo IV do Real decreto 312/2005, do 18 de marzo.

Disposición derradeira primeira. *Título competencial.*

Este real decreto constitúe unha norma regulamentaria de seguranza industrial, que se dita ao abeiro do disposto no artigo 149.1.13ª da Constitución, que atribúe ao Estado as bases e coordinación da planificación xeral da actividade económica.

Disposición derradeira segunda. *Cumprimento do dereito da Unión Europea.*

Este real decreto dítase en cumprimento do disposto nas decisións da Comisión 2005/403/CE, do 25 de maio de 2005, 2005/610/CE, do 9 de agosto de 2005, 2005/823/CE, do 22 de novembro de 2005, 2006/213/CE, do 6 de marzo de 2006, 2006/600/CE, do 4 de setembro de 2006, 2006/673/CE do 5 de outubro de 2006, 2006/751/CE, do 27 de outubro de 2006, e 2007/348/CE, do 15 de maio de 2007; así como na Decisión 2000/147/CE da Comisión, do 8 de febreiro de 2000.

Disposición derradeira terceira. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 1 de febreiro de 2008.

JUAN CARLOS R.

A vicepresidenta primeira do Goberno
e ministra da Presidencia,

MARÍA TERESA FERNÁNDEZ DE LA VEGA SANZ

2487 *CORRECCIÓN de erros do Real decreto legislativo 1/2007, do 16 de novembro, polo que se aproba o texto refundido da Lei xeral para a defensa dos consumidores e usuarios e outras leis complementarias.* («BOE» 38, do 13-2-2008.)

Advertidos erros no Real decreto legislativo 1/2007, do 16 de novembro, polo que se aproba o texto refundido da Lei xeral para a defensa dos consumidores e usuarios e outras leis complementarias, publicado no Boletín Oficial do Estado, suplemento en lingua galega número 31, do 1 de decembro de 2007, procédese a efectuar as oportunas rectificacións:

Na páxina 3879, segunda columna, parágrafo terceiro, primeira liña, onde di: «Analizado en anexo da citada directiva, intégranse...», debe dicir: «Analizado o anexo da citada directiva, intégranse...».

Na páxina 3880, segunda columna, parágrafo primeiro, antepenúltima liña, onde di: «...por produtos defectuosos; a Lei 21/1995, do 6 de xullo, sobre viaxes combinadas», debe dicir: «...por produtos defectuosos e a Lei 21/1995, do 6 de xullo, sobre viaxes combinadas».

Na páxina 3881, primeira columna, sexto parágrafo, liña catorce, onde di: «dedúcese claramente do artigo 49, número 13...», debe dicir: «dedúcese claramente da alínea k) do artigo 49.1...».

Na páxina 3881, primeira columna, noveno parágrafo, liña oitava, onde di: «ordenamento xurídico, prohibense

as cláusulas...», debe dicir: «...ordenamento xurídico, prohibe as cláusulas...».

Na páxina 3881, segunda columna, quinto parágrafo, onde di: «... ao profesional, tal é o caso dos impostos...», debe dicir: «...ao profesional, como os impostos...».

Na páxina 3890, artigo 31, parágrafo primeiro, primeira liña, onde di: «As contas anuais da entidade depositaranse...», debe dicir: «As contas anuais das asociacións de consumidores e usuarios depositaranse...».

Na páxina 3890, artigo 32.2, última liña, onde di: «... depósito e acceso reguladas neste artigo», debe dicir: «...depósito e acceso reguladas neste capítulo».

Na páxina 3890, artigo 35.1, terceira liña, onde di: «... prohibidas polos artigos 23.3 e 27...» debe dicir: «prohibidas polos artigos 23.3, 27 e 28...».

Na páxina 3895, artigo 62, números 1 e 2, onde di: «... consumidores...», debe dicir: «... consumidores e usuarios...».

Na páxina 3895, artigo 62, números 3 e 4, onde di: «... consumidor...», debe dicir: «... consumidor e usuario».

Na páxina 3896, artigo 65, onde di: «... consumidores...», debe dicir: «... consumidores e usuarios...».

Na páxina 3896, artigo 67.1, primeiro parágrafo, segunda liña, onde di: «... contidas nos artigos 82 a 91...», debe dicir: «... contidas nos artigos 82 a 91, ambos inclusive,...».

Na páxina 3896, artigo 67.1, segundo parágrafo, segunda liña, onde di: «... cando o profesional...», debe dicir: «... cando o empresario...».

Na páxina 3896, artigo 67.2, primeiro parágrafo, terceira liña, onde di: «... os artigos 92 a 106 e nos artigos 114 a 126,...», debe dicir: «... os artigos 92 a 106, ambos inclusive, e nos artigos 114 a 126 ambos inclusive,...».

Na páxina 3899, artigo 87.6, nas súas liñas terceira e oitava, onde di: «... consumidor...», debe dicir: «... consumidor e usuario...», e na liña décimo quinta, onde di: «... profesional...», debe dicir: «... empresario...».

MINISTERIO DE FOMENTO

2593 *ORDE FOM/319/2008, do 8 de febreiro, pola que se modifican os anexos VI dos reais decretos 354/2006 e 355/2006, do 29 de marzo, sobre interoperabilidade do sistema ferroviario transeuropeo convencional, e sobre interoperabilidade do sistema ferroviario transeuropeo de alta velocidade, respectivamente.* («BOE» 39, do 14-2-2008.)

A Directiva 2007/32/CE da Comisión, do 1 de xuño de 2007, pola que se modifica o anexo VI da Directiva 96/48/CE do Consello, relativa á interoperabilidade do sistema ferroviario transeuropeo de alta velocidade, e o anexo VI da Directiva 2001/16/CE do Parlamento Europeo e do Consello, relativa á interoperabilidade do sistema ferroviario transeuropeo convencional, modificou ambos os anexos co obxecto de lles recoñecer aos fabricantes a posibilidade de solicitar a avaliación do primeiro paso (fase de deseño ou fabricación) que dá lugar ás declaracións intermedias de verificación (DIV) expedidas polo organismo notificado, permitindo así que o contratista principal ou o fabricante, baseándose en tales declaracións, poida redactar unha «declaración CE intermedia de conformidade do compoñente de interoperabilidade ou subsis-

tema» para a fase correspondente. En consecuencia, cómpre recoller esta modificación na normativa interna sobre estas materias, constituída polos anexos VI dos reais decretos 354/2006 e 355/2006, do 29 de marzo, sobre interoperabilidade do sistema ferroviario transeuropeo convencional, e sobre interoperabilidade do sistema ferroviario transeuropeo de alta velocidade, respectivamente.

As disposicións derradeiras cuarta do Real decreto 354/2006 e terceira do Real decreto 355/2006 autorizan, de forma expresa, o titular do Ministerio de Fomento para levar a efecto as citadas modificacións.

Na súa virtude, de acordo co Consello de Estado, dispoño:

Artigo único. *Modificación dos anexos VI dos reais decretos 354/2006 e 355/2006, do 29 de marzo.*

Os anexos VI dos reais decretos 354/2006 e 355/2006, do 29 de marzo, sobre interoperabilidade do sistema ferroviario transeuropeo convencional, e sobre interoperabilidade do sistema ferroviario transeuropeo de alta velocidade, respectivamente, quedan redactados nos seguintes termos:

«ANEXO VI

Procedemento de verificación dos subsistemas

1. **Introdución.** A verificación "CE" é o procedemento polo que un organismo notificado comproba e certifica, por petición da entidade contratante, que un subsistema é:

- a) Conforme o disposto neste real decreto e na normativa comunitaria.
- b) Conforme as demais disposicións normativas aplicables en cumprimento do Tratado constitutivo da Comunidade Europea, e pode ser posto en servizo.

2. **Etapas.** A verificación do subsistema abrangue as seguintes etapas:

- a) Deseño global.
- b) Produción: fabricación do subsistema, incluídas a execución das obras de enxeñaría civil, a montaxe dos compoñentes e o axuste do conxunto.
- c) Ensaio do subsistema acabado.

Na etapa de deseño (incluídos os ensaios de tipo) e na etapa de produción, o principal contratista (ou fabricante) ou o seu mandatario establecido na Comunidade, poderá solicitar, como primeiro paso, que se realice unha avaliación.

A avaliación ou avaliacións producirán, neste caso, declaracións intermedias de verificación (DIV), expedidas polo organismo notificado elixido polo principal contratista (ou fabricante). Este, pola súa vez, elaborará unha «declaración intermedia de conformidade do subsistema» para a fase ou fases consideradas.

3. **Certificación.** O organismo notificado responsable da verificación "CE" expedirá o certificado de conformidade destinado á entidade contratante ou ao seu mandatario establecido na Unión Europea, que, pola súa vez, expedirá a declaración "CE" de verificación destinada á Dirección Xeral de Ferrocarrís.

O organismo notificado responsable da verificación "CE" avaliará o deseño e a produción do subsistema.

O organismo notificado terá en conta, se dispón delas, as "declaracións intermedias de verificación" (DIV) e, co obxecto de expedir un certificado "CE" de verificación:

- a) Comprobará que o subsistema:

Estea cuberto pola ou polas DIV de deseño e produción expedidas ao contratista principal (ou ao fabricante), se así llo solicitase este ao organismo notificado para estas dúas etapas.

Ou que responda, na súa produción, a todos os aspectos cubertos pola DIV de deseño expedida ao contratista principal (ou ao fabricante), se así llo solicitase este ao organismo notificado para a etapa de deseño unicamente.

- b) Verificará que quedan convenientemente cubertos os requisitos das especificacións técnicas de interoperabilidade (ETI) e avaliará os elementos de produción e deseño non cubertos pola ou polas DIV de deseño ou produción expedidas ao contratista principal (ou ao fabricante).

4. **Expediente técnico.** O expediente técnico adxunto á declaración de verificación deberase estruturar do seguinte modo:

- a) Para as infraestruturas: planos das obras, actas de aprobación de escavacións e armadura, informes de probas e de control dos formigóns.

b) Para os demais subsistemas: planos xerais e de detalle acordos coa execución, esquemas eléctricos e hidráulicos, esquemas dos circuitos de mando, descrición dos sistemas informáticos e dos automatismos, actas de funcionamento e mantemento, etc.

c) Lista dos compoñentes de interoperabilidade mencionados no artigo 3, incorporados ao subsistema.

d) Copias das declaracións "CE" de conformidade ou de idoneidade para o uso de que deben estar provistos os citados compoñentes, conforme o disposto no artigo 10 deste real decreto, acompañadas, de ser o caso, dos cadernos de cálculos correspondentes e dunha copia dos informes dos ensaios e inspeccións efectuados por organismos notificados sobre a base das especificacións técnicas comúns.

e) Se estiveren dispoñibles, a declaración ou declaracións intermedias de verificación (DIV) (e, en tal caso, a declaración ou declaracións "CE" intermedias de conformidade do subsistema que acompañan o certificado "CE" de verificación, incluído o resultado da verificación efectuada polo organismo notificado sobre a súa validez).

f) Certificado do organismo notificado encargado da verificación "CE" de que o proxecto é conforme co disposto neste real decreto, acompañado dos cadernos de cálculos correspondentes, visado polo citado organismo e onde se fagan constar, de ser o caso, as reservas formuladas durante a execución das obras e que non se retirasen; o certificado irá acompañado, así mesmo, dos informes de visitas e auditorías que o organismo elaborase en cumprimento da súa misión, segundo se indica nos puntos 5.3 e 5.4.

- 5. **Vixilancia.**

5.1 A vixilancia "CE" ten por finalidade asegurarse de que se cumpriron as obrigas derivadas do expediente técnico durante a realización do subsistema.

5.2 O organismo notificado encargado de verificar a realización deberá ter acceso permanente ás obras, talleres de fabricación, zonas de almacenamento e, de ser o caso, de prefabricación, ás instalacións de ensaio e, en xeral, a todo lugar que considere necesario para o cumprimento da súa función. A entidade contratante ou o seu mandatario establecido na Unión Europea deberanlle remitir ou facer que se lle remitan todos os documentos pertinentes e, en particular, os planos de execución e a documentación técnica do subsistema.

5.3 O organismo notificado que verifique a realización levará a cabo auditorías periódicas para se asegurar de que se cumpre o disposto neste real decreto, e presentará, con ocasión delas, un informe de auditoría aos profesionais encargados da realización. Poderá exixir ser convocado en determinadas fases da obra.

5.4 Por outra parte, o organismo notificado poderá visitar sen aviso previo as obras ou os talleres de fabricación. Con ocasión destas visitas, poderá efectuar auditorías completas ou parciais. Facilitaralles un informe da visita e, de ser o caso, un informe da auditoría aos profesionais encargados da realización.

6. Presentación. O expediente completo a que se refire o punto 4 presentárase, en apoio do certificado de conformidade expedido polo organismo notificado encargado da verificación do subsistema en condicións de funcionamento, ante a entidade contratante ou o seu mandatario establecido na Unión Europea. O expediente xuntaráse á declaración "CE" de verificación que a entidade contratante remitirá á autoridade de tutela do Estado membro de que se trate.

A entidade contratante conservará unha copia do expediente durante toda a vida útil do subsistema. O expediente será remitido aos demais Estados membros que o soliciten.

7. Publicación. Todos os organismos notificados publicarán, con carácter periódico, a información pertinente relacionada:

- a) Coas solicitudes de verificación "CE" recibidas.
- b) Coas declaracións intermedias de verificación (DIV) expedidas ou denegadas.
- c) Cos certificados de conformidade expedidos ou denegados.

8. Lingua. Os expedientes e a correspondencia relacionados cos procedementos de verificación "CE" redactaranse en castelán.»

Disposición derradeira primeira. *Incorporación de dereito da Unión Europea.*

Mediante esta orde incorpórase ao dereito español o establecido na Directiva 2007/32/CE da Comisión, do 1 de xuño de 2007, pola que se modifica o anexo VI da Directiva 96/48/CE do Consello, relativa á interoperabilidade do sistema ferroviario transeuropeo de alta velocidade, e o anexo VI da Directiva 2001/16/CE do Parlamento Europeo e do Consello, relativa á interoperabilidade do sistema ferroviario transeuropeo convencional.

Disposición derradeira segunda. *Título competencial.*

Esta orde dítase ao abeiro do previsto no artigo 149.1.21.^a da Constitución, que lle atribúe ao Estado a competencia exclusiva en materia de ferrocarrís e transportes terrestres que transcorran polo territorio de máis dunha comunidade autónoma.

Disposición derradeira terceira. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 8 de febreiro de 2008.—A ministra de Fomento, Magdalena Álvarez Arza.

MINISTERIO DE AGRICULTURA, PESCA E ALIMENTACIÓN

2676 *ORDE APA/334/2008, do 6 de febreiro, pola que se modifica a Orde APA/2555/2006, do 27 de xullo, pola que se establece o procedemento para a emisión do certificado sanitario oficial de exportación de carne e produtos cárnicos, en materias competencia do Ministerio de Agricultura, Pesca e Alimentación. («BOE» 40, do 15-2-2008.)*

Tras a entrada en vigor da Orde APA/2555/2006, do 27 de xullo, pola que se establece o procedemento para a emisión do certificado sanitario oficial de exportación de carne e produtos cárnicos, en materias competencia do Ministerio de Agricultura, Pesca e Alimentación, e unha vez transcorrido o período necesario para a adaptación dos sectores implicados, evidenciouse a necesidade de modificar a dita orde, para simplificar e flexibilizar os requisitos documentais establecidos nela e adaptalos aos diferentes niveis de exixencia dos diferentes certificados sanitarios oficiais de exportación a países terceiros.

Na elaboración desta orde foron consultadas as comunidades autónomas e as entidades representativas dos intereses dos sectores afectados.

Na súa virtude, coa aprobación previa da ministra de Administracións Públicas, dispoño:

Artigo único. *Modificación da Orde APA/2555/2006, do 27 de xullo, pola que se establece o procedemento para a emisión do certificado sanitario oficial de exportación de carne e produtos cárnicos, en materias competencia do Ministerio de Agricultura, Pesca e Alimentación.*

A Orde APA/2555/2006, do 27 de xullo, pola que se establece o procedemento para a emisión do certificado sanitario oficial de exportación de carne e produtos cárnicos, en materias competencia do Ministerio de Agricultura, Pesca e Alimentación, modifícase como segue:

Un. Engádese un novo número 5 no artigo 4, co seguinte contido:

«5. Se o solicitante é un ente público e a exportación se realiza no ámbito dos programas de axuda humanitaria, o dito organismo quedará eximido dos requisitos establecidos nas letras a) e b) do número 3.»

Dous. O artigo 5 substitúese polo seguinte:

«Artigo 5. *Tramitación.*

1. Tras a presentación da solicitude ou, se é o caso, xunto con esta, o exportador deberá presentar no Servizo de Inspección de Sanidade Animal da delegación ou subdelegación do Goberno correspondente a documentación necesaria para efectuar a inspección veterinaria que se establece no número 2, cunha antelación mínima á data prevista de inspección dun día hábil se a inspección se realiza no dito servizo, ou de tres días hábiles se é necesario o desprazamento do veterinario oficial para efectuar a inspección da partida.

2. A documentación que deberá presentar o exportador será a seguinte:

a) En todos os casos, deberá presentar a declaración expresa, segundo o modelo do anexo III, pola que manifieste coñecer os requisitos contidos no certificado sanitario oficial de exportación solicitado e declare que a carne ou produtos cárnicos exportados cumpren cos ditos requisitos, de acordo coa información que ten á súa disposición.